

Ն.Ս.Օ.Տ.Տ. ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ ՄԵԿՆԵՅ ԱՄՆ

Սեպտեմբերի 22-ին, օրվա երկրորդ կեսին, Նորին Սուրբ Օծություն Տ.Տ. Գարեգին Ա Ամենայն Հայոց Կաթողիկոսը, ՀՀ նախագահ Ռոբերտ Բոչարյանի հետ, մեկնեց ԱՄՆ:

Մեկնելուց առաջ Նորին Սուրբ Օծությունը Մայր Տաճարում, իջման Սուրբ Սեղանի առջև, ծնրադիր իր աղոթքն առաքեց առ Բարձրյալն Աստված, ապա, հակիրճ խոսքով դիմելով ներկաներին, ասաց. «Աստված ձեր բոլորի հետ լինի այն օրերին, երբ ես բացակայեմ: Կմաղթեմ, որ այս բժշկական քննությունները լավ արդյունք տան, որպեսզի որևէ մտահոգություն չմնա ո՛չ իմ, ո՛չ ձեր մեջ և կարենանք նորեն լծվել և շարունակել այն գործը, որ Աստված վստահած է մեզի:

Բժշկական քննությունն հետո ես երկու օրով պետք է մեկնեմ մահ Լոս Անջելես՝ իբրև Հայ Եկեղեցու պետ իմ գնահատանքը հայտնելու մի անձի, որը մեր Հանրապետության նախագահի հետ միասին, հարյուրերորդ անգամը ըլլալով, իր օդանավով, զամազամ ձևեղանակներ գտնելով, Հայաստանին է օգնում:

Աստված տա, որ բժշկական այս քննության շրջանը կարճ ըլլա, և ես վերադառնամ Մայր Աթոռ ու շարունակենք մեր նվիրական գործը գալիք ամսին:

Հիշեցեք միշտ մեզ ձեր աղոթքների մեջ»:



Սեպտեմբերի 26-ին Վեհափառ Հայրապետը ներկա գտնվեց, Միացյալ հայկական ֆոնդի 100-րդ թոփյառի առիթով, Լոս Անջելեսում կազմակերպված պաշտոնական ճաշին և իր հայրապետական պատգամը փոխանցեց ներկաներին:

Նորին Սուրբ Օծությունը մասնակցեց մահ Հայաստանի անկախության յոթերորդ տարեդարձին նվիրված տոնակատարությանը:

Մինչ Կաթիֆոռնիա մեկնելը, Ամենայն Հայոց Հայրապետը Նյու Յորքում մեկ անգամ ևս եմթարկվեց բժշկական ստուգման:

Վեհափառ Հորն ուղեկցում էր հոգեշնորհ Տ. Խորեն արեղա Հովհաննիսյանը:

«Վեն Նայսի» օդանավակայանում

Սեպտեմբերի 26-ին և 27-ին Կաթիֆոռնիայի հայությունն ապրեց պատմական անմոռանալի պահեր: Երկօրյա հանդիսությունների միջոցով

մեծ շուքով նշվեցին Միացյալ Հայկական Ֆոնդի 100-րդ թոնիքը և Հայաստանի Հանրապետության վերանկախացման յոթերորդ տարեդարձը:

Մարդասիրությամբ, մարդուն և Հայրենիքին առնչվող այս գույգ տոները նշվեցին Ն.Ս.Օ.Տ.Տ. Գարեգին Ա Ամենայն Հայոց Կաթողիկոսի, Մեծի Տանն Կիլիկիո գահակալ Արամ Ա Վեհափառ Հայրապետի և ՀՀ նախագահ Ռոբերտ Քոչարյանի ներկայությամբ: Մի համախմբում, որ պատմական էր և անմախճաթաց, որը նաև վկայությունն էր հայ ժողովուրդը միասնական տեսնելու, միասնաբար գործելու տեսիլքի:

Կալիֆոռնիայի հայ համայնքը, որ վերջին տարիներին ապրեց պառակտման, երկփեղկման դժվարին պահեր, առաջին անգամը լինելով, համախմբվում էր մեկ երդիկի տակ՝ միասնաբար դիմավորելու Ամենայն Հայոց Հայրապետին և Կիլիկյան Աթոռի Գահակալին ու Հայաստանի Հանրապետության նախագահին:

Սեպտեմբեր 26-ի շաբաթ օրը, ժամը 14.00-ին, Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը, ՀՀ նախագահ Ռոբերտ Քոչարյանը, Բորթ Բորքորյանի անձնական օդանավով ժամանեցին «Վեմ Նայսի» օդանավակայան:

Նորին Սուրբ Օծությանը և ՀՀ նախագահին ընկերակցում էին հանրապետության առաջին տիկին Բելլա Քոչարյանը, ՀՀ արտգործնախարար Վարդան Օսկանյանը, ԱՄՆ-ում (Վաշինգտոն) Հայաստանի Հանրապետության արտակարգ և լիազոր դեսպան Ռուբեն Շուգարյանը, ՄԱԿ-ի մոտ ՀՀ մշտական ներկայացուցիչ Մովսես Աբելյանը, ՀՀ նախագահի օգնական Արմեն Գևորգյանը, նախագահի խորհրդական և մամուլ քարտուղար Կասիա Աբգարյանը, խորհրդական Աննա Աղաջանյանը:

Օդանավակայանում բարձրաստիճան հյուրերին դիմավորեցին Մեծի Տանն Կիլիկիո գահակալ Ն.Ս.Օ.Տ.Տ. Արամ Ա Վեհափառ Հայրապետը, որ Լոս Անջելես էր ժամանել սեպտեմբերի 24-ի հինգշաբթի օրը, կեսօրից հետո, մեծաթիվ եկեղեցականներ՝ ամերիկահայոց Արևմտյան թեմի առաջնորդ գերաշնորհ Տ. Վաչե արքեպս. Հովսեփյանի գլխավորությամբ, Սոցիալ Դեմոկրատ Հնչակյան և Ռամկավար Ազատական կուսակցությունների, Հայ Յեղափոխական Դաշնակցության ղեկավարները, «Հայաստան» համահայկական հիմնադրամի Արևմտյան Ամերիկայի հանձնաժողովի նախագահ Րաֆֆի Ուրֆալյանը, քաղաքական, մշակութային, քարեսիրական, հայրենակցական և այլ կազմակերպությունների, ինչպես նաև հայ և օտարալեզու լրատվամիջոցների ներկայացուցիչներ:

Հենց օդանավակայանում պատվարժան հյուրերին դիմավորեցին հայկական տարազ հագած աղջիկները՝ ծաղկեփնջերով և ավանդական աղ ու հացով: Գարեգին Ա Ամենայն Հայոց Կաթողիկոսը օրհնեց աղ ու հացը, որից հետո հյուրերին առաջնորդեցին հատուկ այդ օրվա համար պատրաստած ամբիոնի մոտ, ուր պատվո պահակ էին կանգնել ՀՄՄ-ի և ՀՄԸՄ-ի սկաուտները:

«Վեմ Նայսի» օդանավակայանում բարեողջույնի խոսքեր ասացին Նորին Սուրբ Օծնություն Գարեգին Ա Ամենայն Հայոց Կաթողիկոսը, Մեծի Տանն Կիլիկիո Արամ Ա Վեհափառ Հայրապետը և ՀՀ նախագահ Ռոբերտ Քոչարյանը:

Այնուհետև հայկական և ամերիկյան դրոշմերով զարդարված ավտոմեքենաները ուղղվեցին դեպի հյուրամոց:

Միացյալ հայկական Ֆոնդի 100-րդ թոհիչքի տոնակատարությունը «Սենչըրի Փլազա» պանդոկում

Նույն օրը, երեկոյան, «Սենչըրի Փլազա» հյուրամոցի շքեղ ու ընդարձակ սրահում հավաքվել էին ավելի քան 1800 հայ և օտար հյուրեր, ովքեր հատուկ հրավերքով եկել էին մասնակցելու Միացյալ Հայկական Ֆոնդի մարդասիրական 100-րդ թոհիչքին մվիրված տոնախմբությանը:

Միացյալ Հայկական Ֆոնդի ատենապետ և օրվա հանդիսավար տիար Ալեք Նմենջյանը մեկ առ մեկ ներկայացրեց պատվավոր հյուրերին, ովքեր հոտընկայա ծափահարություններով մուտք գործեցին սրահ: Հյուրերի թվում էին Նորին Սուրբ Օծնություն Գարեգին Ա Ամենայն Հայոց Կաթողիկոսը, Մեծի Տանն Կիլիկիո Արամ Ա Վեհափառ Հայրապետը, ՀՀ նախագահ Ռոբերտ Քոչարյանը, ՀՀ արտգործնախարար Վարդան Օսկանյանը, Ամերիկյան Կարմիր Խաչի նախագահ Էլիզաբեթ Դոուլը և նրան ընկերակցող կատակերգակ Ջեյ Լենոնը, բարերար Քրոջ Քրոջքոյանը, երգիչ Շառլ Ազնավուրը, համայնքի կազմակերպությունների ու միությունների ներկայացուցիչները, Ամերիկյան իշխանությունների բարձրաստիճան պաշտոնյաներ և մեծաթիվ հյուրեր:

Նախ հնչեցին Միացյալ Նահանգների և ՀՀ հիմներգերը, ապա Մեծի Տանն Կիլիկիո գահակալի օրհնության աղոթքով սկսվեց տոնախմբությունը:

Ծնորհակալական հակիրճ խոսքով ներկաներին դիմեց ԼԻՆՍԻ-ի հիմնադրամի տնօրեն, բարերար Քրոջ Քրոջքոյանը, ապա Միացյալ Հայկական Ֆոնդի տնօրեն Հարութ Սասունյանը պատմական փոքրիկ ակնարկով ամդրադարձավ արդեն կատարված մարդասիրական թոհիչքներին:

Հիշեմք, որ ՄՀՖ-ն ինը տարի առաջ ստեղծվեց հավաքական ճիգերով, ԼԻՆՍԻ-ի կողքին՝ իր կազմում համախմբելով ամերիկահայ կրոնական և բարեսիրական վեց կազմակերպություններ:

Այնուհետև ելույթներ ունեցան նախագահական մախկին թեկնածու Բոբ Դոուլը, Ամերիկյան Կարմիր Խաչի նախագահ տիկին Էլիզաբեթ Դոուլը, երգիչ Շառլ Ազնավուրը, կատակերգակ Ջեյ Լենոնը:

1800 ներկաներին իրենց հայրապետական պատգամն ու օրհնությունները բաշխեցին մահ երկու Վեհափառ Հայրապետները՝ առանձնակի մշելով հայ ժողովրդի ոգին, կորովը, ուժն ու հավատի զորությունը, որոնց շնորհիվ դարեր ի վեր հաղթահարվում են շատ ու շատ դժվարություններ:

Մեծի Տանն Կիլիկիո գահակալը շեշտեց, որ ՄՀԾ-ի գործունեությունը ամերիկահայության միացյալ ճիգով կատարված իրագործում է, իսկ միասնության այս օրինակը պետք է տարածվի նաև հայկական մյուս գաղութներում:

Ն.Ա.Օ.Տ.Տ. Գարեգին Ա Ամենայն Հայոց Կաթողիկոսի կարծիքով Քրոջ Քրոջորյանի կյանքը օրինակ պետք է ծառայի հայ ժողովրդի զավակներին, քանի որ Ամերիկայի քաղաքացի լինելով հանդերձ, նա ամուր կերպով կառչած է իր արմատներին և ամենից վեր է դասում Հայրենիքի շահը:

Վեհափառ Հայրապետների քարեղջյուցի խոսքերից հետո ելույթ ունեցավ ՀՀ նախագահ Ռոբերտ Քոչարյանը: Նա մշեց, որ Հայաստանը հպարտ է՝ Միացյալ Նահանգներում մնալով հզոր հայկական համայնք ունենալու համար: Սփյուռքն այսօր դարձել է Հայաստանի հիմնական աջակիցը համընդհանուր նպատակի իրագործման առումով, այն է՝ Հայաստանը դարձնել ժողովրդավարական ու քարգավաճ երկիր: Նախագահը ավելացրեց նաև, որ «Այսօրվա թիվ մեկ խնդիրը Հայաստանում մրցունակ արդյունաբերության ստեղծումն ու զարգացումն է: Հայաստանը պատրաստ է լինել ձեր գործընկերը: Սա է ժամանակի մարտահրավերը և եղած հաջողությունները ամրապնդելու ուղին»:

Ընդհակառակը հայտնելով ողջ հայ ժողովրդի անունից՝ ցուցաբերած օգնության համար, նախագահ Քոչարյանը Քրոջ Քրոջորյանին հանձնեց Հայաստանի Հանրապետության անձնագիր:

Օրվա հանդիսությունն ավարտվեց Վեհափառ Հայրապետների «Պահպանիչ» աղոթքով:

Հայրապետական Ս. Պատարագ

Վեն Նայսիի Ս. Պետրոս եկեղեցում

Սեպտեմբերի 27-ի կիրակի օրը Վեն Նայսիի Ս. Պետրոս հայկական եկեղեցում տեղի ունեցավ պատմական քացառիկ հանդիսավոր արարողություն: Ամենայն Հայոց և Մեծի Տանն Կիլիկիո Վեհափառ Հայրապետների մասնակցությամբ մատուցվեց Սուրբ և անմահ Պատարագ: Օրվա պատարագիչն էր Մեծի Տանն Կիլիկիո Արամ Ա Վեհափառ Հայրապետը՝ աղընթերակայությամբ գերաշնորհ Տ. Վաչե արքեպս Հովսեփյանի և գերաշնորհ Տ. Մուշեղ եպս. Մարտիրոսյանի:

Հրմթացս Ս. Պատարագի, «Հայր մեր»-ից առաջ բոլոր մերկաներին իր հայրապետական պատգամը տվեց Ն.Ա.Օ.Տ.Տ. Գարեգին Ա Ամենայն Հայոց Կաթողիկոսը՝ հայությանը կոչ անելով միամալ մեկ Հայրենիք և մեկ եկեղեցի սկզբունքի շուրջ և անցնել գործնական ու շինարար աշխատանքի:

«Ես հավատում եմ, որ ձեզանից յուրաքանչյուրի կենսագրության մեջ այս օրը պետք է լինի անընդելի, միշտ հիշելի և ձեր կյանքի ուրիշ օրերում

խմոր դառնալիք մի օր, ներշնչման մի օր: Այս օրը եզակի է, իր տեսակի մեջ առանձնահատուկ մի օր է, որ պետք է ցորենի պես աճի: Ինչպես ցորենն է հասկ տալիս, նույնպես և այս օրը ցորենահատիկ է, որ Աստված սերմանեց մեր՝ եկեղեցականներին, բարերարների և ժողովրդի ձեռքերով: Մենք գործիքներ ենք Աստծու ձեռքում: Մենք այսօր պարտավոր ենք լսելու նրա ձայնը, կատարելու Նրա կամքը, քայլելու Նրա ուղեցույցով, Ավետարանի ճանապարհով և մեր հայրերի ցույց տված ուղղությամբ»:

Ս. Պատարագին ներկա էին ՀՀ մախագահ Ռոբերտ Քոչարյանը և իր տիկինը, մախագահի շքախմբի մյուս անդամները, Լուս Անջելեսում ՀՀ ավագ հյուպատոս Արմեն Մելքոնյանն ու հյուպատոսարանի անձնակազմը, պաշտոնատար այլ անձինք, մեծաթիվ հյուրեր՝ շուրջ երկու հազար մարդ:

Հավարտ Սուրբ և անմահ Պատարագի, զույգ Վեհափառ Հայրապետները ամպիոնումու ներքո առաջնորդվեցին տաճարից դուրս և ներկա հավատացյալ ժողովրդին բաշխեցին իրենց հայրական օրհնությունները:

Լուս Անջելեսի հայությանն այս ոգևորիչ հանդիպումն ավարտվեց «Կիլիկիա»-ի երգեցողությամբ:

Հայաստանի վերանկախացման տոնակատարությունը Լուս Անջելեսում

Կիրակի երեկոյան տեղի ունեցավ Հայաստանի վերանկախացման յոթերորդ տարեդարձի համաժողովրդական տոնակատարությունը: Այն կազմակերպել էին Հայ Յեղափոխական Դաշնակցություն, Ռամկավար Ազատական և Սոցիալ Դեմոկրատ Հնչակյան կուսակցությունները:

«Յունիվերսալ Ամֆիթիատրը»-ի հսկա սրահում համախմբվել էին հազարավոր հայորդիներ, ովքեր ապրեցին ոգևորության և ազգային հպարտության պահեր:

Տոնակատարության պատվավոր հյուրերի շարքն ամբողջացնում էին Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը, Մեծն Տաճն Կիլիկիո Արամ Ա Վեհափառ Հայրապետը, ՀՀ մախագահ Ռոբերտ Քոչարյանը:

Հանդիսությունն սկսեց ՀՄՄ-ի, ՀՄԸՄ-ի և ՀԵԸ-ի սկաուտների կողմից կազմակերպված դրոշակների արարողությամբ, որից հետո ներկաները հոտմկայս ունկնդրեցին Միացյալ Նահանգների և Հայաստանի Հանրապետության հիմներգերը՝ «Սիփան» երգչախմբի կատարմամբ:

Հանդիսավար Բարսեղ Գաթալյանի բացման խոսքից հետո, ելույթներ ունեցան ավագ հյուպատոս տիար Արմեն Մելքոնյանը և պրոֆեսոր Ռիչարդ Հովհաննիսյանը:

ՀՀ արտգործնախարար Վարդան Օսկանյանը մերկայացրեց Հայաստանի արտաքին քաղաքականության հիմնական դրույթները:

Նախագահ Քոչարյանը բեմ քարձրացավ մերկաների հոտմկայս ծափահարությունների մերքո և իր ելույթն սկսեց շնորհակալական ջերմ խոսքերով՝ միաժամանակ ամենքին փոխանցելով Հայաստանի ժողովրդի ողջույնները: Նա խոսեց ընդհանրապես Հայաստանի մերկա քաղաքական իրավիճակի և Սփյուռքի հետ ունենալիք հետագա հարաբերությունների մասին: Նախագահը հայտարարեց, որ մենք միասնաբար պետք է պահենք մեր անկախությունը, որպեսզի միասին տոնենք 70-ամյակը, 700-ամյակը:

Իրենց հայրական խոսքերում քարեմաղթանքի ջերմ խոսքեր ասացին մահ երկու Վեհափառ Հայրապետները՝ կամենալով հայ ժողովրդին Աստվածառաջ սեր, խաղաղություն և հարատևություն:

Հայաստանի Հանրապետության անկախացման յոթերորդ տարեդարձին նվիրված տոնակատարությունն ավարտվեց Վեհափառ Հայրապետների «Պահպանիչ» աղոթքով:

Մեկնում

Սեպտեմբերի 28-ի երկուշաբթի օրը Միացյալ Հայկական Ֆոնդի պատվավոր հյուրերը թողեցին Լոս Անջելեսը:

Հանրապետության նախագահ Ռոբերտ Քոչարյանն իր զվիավորած պատվիրակությամբ մեկնեց Եուրթա մահանգ, որտեղից պետք է վերադառնար Հայաստան:

Ն.Յ.Օ.Տ.Տ. Գարեգին Ա Ամենայն Հայոց Կաթողիկոսը վերադարձավ Նյու Յորք՝ շարունակելու իր թժկական քննությունը:

Շուտափույթ առողջություն Նորին Սրբությանը և բարի վերադարձ ի Մայր Աթոռ Սուրբ Էջմիածին:

ՄԱՐԻՍՄ ՎԱՐԴԱՆՅԱՆ